

Geir Styve
Hjelmåsen 37
5915 HJELMÅS



KOPI

Vår referanse
2016/3678

Dykkar referanse

Vår saksbehandlar
Åse Bækkevold Kloster

Dato
22.12.2016

Tilkopling til offentlig vass- og avløpsanlegg – saksbehandling – Lindås kommune

Ombodsmannen viser til klagen din 19. desember 2016 med vedlegg.

Du klagar på Lindås kommune si saksbehandling av løyve til tilkopling til offentlig vass- og avløpsanlegg og på manglande svar frå kommunen på brevet ditt 24. oktober 2016.

Ombodsmannen sin kontroll med forvaltninga skal vere etterfølgjande. Det vil seie at ei sak ikkje kan behandlast her før spørsmåla saka gjeld er tekne opp med og endeleg avgjorde i forvaltninga.

Du tek i klagen hit opp spørsmål som du har stilt til Lindås kommune i brev 24. oktober 2016 og som ikkje har vore behandla der. I brevet til kommunen skriv du også at du «har tatt spørsmålet opp med Kommunal- og Moderniseringsdepartementet for uttale», men at «[s]varet frå dei lar nok vente på seg».

I telefonsamtale 22. desember 2016 mellom Siril Therese Sylta i Lindås kommune og saksbehandlar her har Sylta opplyst at du vil få svar på brevet ditt innan 15. januar 2017. Ho informerte også om at kommunen har fått kopi av brev til deg frå departementet 21. desember 2016, og at departementet sitt syn er relevant for kommunen si tilbakemelding til deg.

Det er mest i samsvar med prinsippet om at ombodsmannen sin kontroll skal vere etterfølgjande, at du i første omgang må vente på Lindås kommune sitt svar. Når den endelege tilbakemeldinga frå kommunen ligg føre, kan du eventuelt komme tilbake med ein ny klage hit. Ombodsmannen vil da sjå på saka på nytt, og ta stilling til om den gir grunn for nærmare undersøkingar herifrå.

Saka er avslutta her nå.

For ombodsmannen

Annette Dahl
kontorsjef

Åse Bækkevold Kloster
seniorrådgivar

Dette brevet er godkjent elektronisk og har derfor ikkje handskrive underskrift.

Kopi til:

Lindås kommune Kvernhusmyrane 20 5914 Isdalstø Ref.: 14/6480, 16/28537